

Harum avium tanta multitudo in Licia Graecie congregitur, qua accione astruentes cum certis avibus predantibus tali conflictu se diverberant, quod rivi sanguinis defluunt.

22. [C]RUS (in mg. add.: *jeřzab*) est avis ad nigredinem trahens (trahens) et tanto amplius, quanto magis senescit. Habens pedes alios et collum erectum; ad mutacionem soni nomen habens, sub alis dormiens. Hee aves militari ordine dirigunt suas acies, et que preest, omne agmen prevolitat. Nocte inter se excumbias ita dividunt, ut decima queque exsompnis sit. Si edunt, dux eorum tunc speculatur, etsi quod nocivum viderit clariter.

23. [C]ICONIA (in mg. add.: *cap*) est avis rubeos et longos habens pedes, similiter rostrum rubeum, oblongum. Vescitur serpentibus et buffis. Que si presentit annum sterilem, prolem unam aut plures de nido abicit, si fertilem, tunc omnia genita sua educat. Coniugem adulterio turpatam interficit. Crepiat omne aut propter comparis adventum aut aves supervolantes aut propter iram aut victoriam aut aure aggravacionem futuram.

24. [D]YOMETIDES est avis alba, habens pedes longos et nigros et oculos igneos, collum tamen minus extantum quam ciconia et os dentatum. Raro sola reperibilis, quia gregatim volat, quarum prima gregem ducit, ultima vero alias cogit ad volandum. | | Hec avis, si lacrimatur, presagiat sui aut sui regis interfeccionem.

25. [B]IS est avis in modum ciconie, circa ripas fluvii Nili serpentum ova depopulandus, ore parens. Hec sola docuit hominem se ipsum enemate per annum purgare per aque marine infusionem. Maris litora semper deambulat, pro alimento pisces mortuos aut cadavera queritans, que mare eiecit. Devorat eciam ignem sine sui lesione. Cuius ova si quis comederit, prius moritur, quam dolorem incipit sentire.

26. [A]RDEA est avis in modum ciconie, sed coloris cinericea, in aquis cibum suum queritans, sed in silvis habitans. Cui dum accipiter infestus est, stercus super eo eiecit, quem ubi tangit, deplumat et corpus eius putrescere facit. Mas in coytu fundit sanguinem ex oculis pro dolore. Pisces vorat in aquis. Dicitur autem ardea, aut quia ano ardet stercus calidum emitendo, aut quando presentit ymbres, volat in ardua, id est supra nubes, ut illic procellas evitet.

27. [P]AVO est avis pulcerrima, medie magnitudinis, caput habens serpentinum, quamquam pennis coronatum, collum et pectus saffrinum, caudam longam et oculatam, vocem dyabolicam et incessum simplicem. Vescitur serpentibus et venenatis, et cum serpentes vocem eius audiunt, fugiunt et se abscondunt. Animal pomposum et superbum, ostentans se in gloria sue caude, sed cum ad pedes prospicit, humiliat se et vertetur, et si a pennis caude spoliatur, merens querit latebras. Dum alte ascendit, pluviam predicit.

28. [C]IGNUS est avis pennis candidis, sima, carne aut et pedibus teterrima, dentes habet minutissimos et acutos in rostro et in stagno vigescere summe delectatur, super aquas nidificat. Ante mortem suam cantum leicie fundit ad sidera. Habet fortitudinem suam in alis, que duce fesso a tergo ponit collum avi precedenti et inde vires recipit. Post coitum tam mas, quam femina aquis se immergunt pro sui purificatione.

29. [M]LUR est avis magna et ponderosa, que ubi ululat, illic veraciter vaticinatur aut pestilenciam, aut stragem futuram, aut eciam actualalem. Et est lucifuga et noctivaga, quia venatur sibi escam de nocte, et cum senescit, longatur rostrum eius superius, quo curvitate attingit labium eius inferius, et sic non valens cibum assumere, perit fame. Preliatur libenter cum herodio et eciam cum psitaco.

30. [A]CHIRON est avis pennas habens subruffas, ungues, cura et rostrum rappacia, volatu potens parum in terra residet, sed semper in alto. Preda vivens animatorum et maxime hinulorum et leporum, macra semper propter cibi sollicitudinem, et quia preda non semper occurrat, cuius condicio est, quod caprellum, quem invadit, primum oculos effodit et post cerebrum ecebrat et tunc primo animal vorat.

31. [B]UBO est avis distorta, lucifuga, pigra corpore et levis, nisi quantum pennarum pregravatur pondere. Ubi extra propriam invasionem apparuerit, pestis ostendit presentiam. Mures venatur, ova columbe bibit et in ecclesis oleum de lampadibus sorbet et tunc post olei eportacionem lampades defedat stercoribus. Dum impugnatur avibus, tunc resupinata pedum unguibus se defendit.